

第二四六册

明倫彙編

宮闈典

太上皇部
皇太后部

(卷)

二一四

二五三

古今圖書集成

中華書局影印



古今圖書集成

中華書局影印

欽定古今圖書集成明倫彙編宮闈典

第十一卷目錄

太上皇部彙考一

漢高祖三則

北魏獻文帝皇興一則 孝文帝延興四則

北齊武成帝河清一則 後主天統四則 隆

北周宣帝大象二則

隋煬帝大業一則 恭帝義寧二則

唐高祖武德一則 太宗貞觀五則 肅宗延

和 一則 肅宗至德一則 乾元一則 憲宗元

寶應一則 順宗永貞一則 憲宗元

宮闈典第十一卷

太上皇部彙考一

漢

高祖六年尊太公爲太上皇

按漢書高祖本紀高祖沛豐邑中陽里人也姓劉氏母媼嘗息大澤之陂夢與神遇是時雷電晦冥父太公往視則見交龍於上已而有娠漢元年二月項羽立沛公爲漢王五月漢王定雍地九月遣將軍薛歐王吸出武關因王陵兵從南陽迎太公呂后於沛羽

聞之發兵距之陽夏不得前二年三月漢王入彭城項羽擊漢軍睢水上大破漢軍審食其從太公呂后間行反遇楚軍羽常置軍中以爲質四年七月項羽自知少助食盡漢遣陸賈說羽請太公羽弗聽漢復使侯公說羽羽乃與漢約中分天下割鴻溝以西爲漢以東爲楚九月歸太公呂后軍皆稱萬歲乃封侯公爲平國君五年二月漢王卽皇帝位六年三月上

歸櫟陽五日一朝太公太公家令說太公曰天亡二日土亡二王皇帝雖子人主也太公雖父人臣也奈何令人主拜人臣如此則威重不行後上朝太公擁

簪迎門卻行上大驚下扶太公太公曰帝人主奈何以我亂天下法於是上心善家令言賜黃金五百斤

夏五月丙午詔曰人之至親莫親於父子故父有天下傳歸於子子有天下尊歸於父此人道之極也前

日天下大亂兵革並起萬民苦殃朕親被堅執銳自帥士卒犯危難平暴亂立諸侯偃兵息民天下大安

此皆太公之教訓也諸王通侯將軍羣卿大夫已尊朕爲皇帝而太公未有號今上尊太公曰太上皇

注師古曰太上極尊之稱也皇君也天子之父故號曰皇不預治國故不言帝也

九年諸王朝太上皇於未央宮上置酒爲壽

按漢書高祖本紀九年冬十月淮南王梁王趙王楚王朝未央宮置酒前殿上奉玉卮爲太上皇壽曰始

大人常以臣亡賴不能治產業不如仲力今某之業所就孰與仲多殿上羣臣皆稱萬歲大笑爲樂

十年秋七月癸卯太上皇崩葬萬年赦櫟陽囚死罪以下八月令諸侯王皆立太上皇廟於國都

按漢書高祖本紀云云

北魏

獻文帝皇興五年冊命皇太子爲皇帝羣臣上尊號曰太上皇帝

按魏書獻文帝本紀皇興五年六月行幸河西秋七月遂至陰山八月丁亥車駕還宮帝雅薄時務常有

遺世之心欲禪位於叔父京兆王子推語在任城王雲傳羣臣固請帝乃止丙午冊命太子曰昔堯舜之

禪天下也皆由其子不肖若丹朱商均能負荷者豈搜揚側陋而授之哉爾雖冲弱有君人之表必能恢

隆王道以濟兆民今使太保建安王陸被太尉源賀持節奉皇帝璽綬致位於爾躬其踐昇帝位克廣洪

業以光祖宗之烈使朕優游履道頤神養性可不善歟丁未詔曰朕承洪業運屬太平准岱率從四海清

晏是以希心太古志存濬泊躬覽萬務則損頤神之和一日或曠政有淹滯之失但子有天下歸尊於父

父有天下傳之於子今稽協靈運考會羣心爰命儲宮踐昇大位朕方優游恭己栖心浩然社稷又安克

廣其業不亦善乎百官有司其祇奉嗣子以答天休宣布宇內咸使聞悉於是羣公奏曰昔三皇之世游

泊無爲故稱皇是以漢高祖既稱皇帝尊其父爲太上皇明不統天下今皇帝幼冲萬機大政猶宜陛下

總之謹上尊號太上皇帝乃從之己酉太上皇帝徙御崇光宮彩椽不斷土階而已國之大事咸以聞

孝文帝延興二年太上皇詔諸將襲擊蠕蠕帝每月一朝崇光宮

按魏書孝文帝本紀延興二年二月蠕蠕犯塞太上

皇帝次於北郊詔諸將討之虜遁走其別帥阿大千率千餘落來降東部勒叛奔蠕蠕太上皇帝追之至石磧不及而還壬子高麗國遣使朝貢三月太上皇帝至自北討冬十月蠕蠕犯塞及於五原十有一月太上皇帝親討之將度漠襲擊蠕蠕聞軍至大懼北走數千里以窮寇遠遁不可追乃止帝每月一朝崇光宮

延興二年改崇光為寧光宮太上皇帝歸自北討尋復南巡

按魏書孝文帝本紀延興三年春正月丁亥改崇光宮為寧光宮戊戌太上皇帝還至雲中二月戊午太上皇帝至自北討飲至策勳告於宗廟死王事者復其家秋八月庚申帝從太上皇帝幸河西拾寅謝罪請降許之冬十月太上皇帝親將南討詔州郡之民十丁取一以充行戶收租五十石以備軍糧十一月癸巳太上皇帝南巡至於懷州所過問民疾苦賜高年孝悌力田布帛

延興四年二月甲辰太上皇帝至自南巡

按魏書孝文帝本紀云云

延興五年冬十月太上皇帝大閱於北郊

按魏書孝文帝本紀云云

承明元年太上皇帝崩
按魏書孝文帝本紀云云
北齊
武成帝河清四年詔傳位於皇太子群公上尊號為太上皇帝
按北齊書武成帝本紀河清四年四月乙亥太史奏

天文有變其占當有易王景子乃使太宰段韶兼太尉持節奉皇帝璽綬傳位於皇太子大赦改元為天統元年百官進級降罪各有差又詔太子妃斛律氏為皇后於是羣公上尊號為太上皇帝軍國大事咸以奉聞始將傳政使內參政子尚乘驛送詔書於鄴子尚出晉陽城見人騎隨後忽失之尚未至鄴而其言已布矣

後主天統元年太上皇帝遣使於陳詔增置官屬及改高祖廟號

按北齊書後主本紀天統元年六月己巳太上皇帝詔兼散騎常侍王季高使於陳秋七月乙未太上皇帝詔增置都水使者一人冬十一月癸未太上皇帝至自晉陽己丑太上皇帝詔改太祖獻武皇帝為神武皇帝廟號高祖獻明皇后為武明皇后其文宣謚號委有司議定十二月庚戌太上皇帝狩於北郊王子符於南郊乙卯狩於西郊壬戌太上皇帝幸晉陽天統二年太上皇以三臺施興聖寺封太上皇諸子於藩

按北齊書後主本紀天統二年二月庚戌太上皇帝至自晉陽三月乙巳太上皇帝詔以三臺施興聖寺以旱故降禁因五月己亥封太上皇帝子儼為東平王仁弘為齊安王仁固為北平王仁英為高平王仁光為淮南王六月太上皇帝詔兼散騎常侍韋道儒聘於陳秋八月太上皇帝幸晉陽
天統三年太上皇親齋庶政
按北齊書後主本紀天統三年春正月壬辰太上皇帝至自晉陽戊戌太上皇帝詔京官執事散官三品

已上各舉三人五品以上各舉二人稱事七品已上及殿中侍御史尚書都檢校御史主書及門下錄事各舉一人夏四月癸丑太上皇帝詔兼散騎常侍司馬幼之使於陳五月甲午太上皇帝詔以領軍大將軍東平王儼為尚書令六月己未太上皇帝詔封皇子仁機為西河王仁約為樂浪王仁儉為潁川王仁雅為安樂王仁統為丹陽王仁謙為東海王閏六月壬午太上皇帝詔尚書令東平王儼錄尚書事以尚書左僕射趙彥深為尚書令并省尚書左僕射彥深遠為尚書左僕射中書監徐之才為右僕射秋八月辛未太上皇帝詔以太保任城王湝為太師太尉馮翊王潤為大司馬太宰段韶為左丞相太師賀拔仁為右丞相太傅侯莫陳相為太宰大司馬婁叡為太傅大將軍斛律光為太保司徒韓祖念為大將軍司空趙郡王叡為太尉尚書令東平王儼為司徒九月己酉太上皇帝詔諸寺署所籍雜保戶姓高者天保之初雖有優勅權假力用未免者今可悉蠲雜戶任屬郡縣一准平人丁巳太上皇帝幸晉陽十一月癸未太上皇帝至自晉陽十二月己巳太上皇帝詔以故左丞相趙郡王琛配享神武廟庭

天統四年太上皇仍臨朝政尋崩
按北齊書後主本紀天統四年正月癸亥太上皇帝詔兼散騎常侍鄭大護使於陳三月乙巳太上皇帝詔以司徒東平王儼為大將軍南陽王綽為司徒開府儀同三司徐顯秀為司空開府儀同三司廣寧王孝珩為尚書令夏四月辛巳太上皇帝幸晉陽五月壬戌太上皇帝至自晉陽秋九月景申周人來通和

太上皇帝詔侍中斛斯文略報聘於周冬十一月壬辰太上皇帝詔兼散騎常侍李翥使於陳十二月辛未太上皇帝崩

隆化元年後主禪位皇太子稱太上皇帝又稱為無上皇

按北齊書後主本紀隆化元年高元海宋士素盧思道李德林等欲議禪位皇太子先是望氣者言當有革易於是依天統故事授位幼主幼主名恆帝之長子也春正月乙亥即皇帝位時八歲改元為承光元年大赦尊皇太后為太皇太后帝為太上皇帝后為太上皇后於是黃門侍郎顏之推中書侍郎薛道衡侍中陳德勝等勸太上皇帝往河外募兵更為經略若不濟南投陳國從之丁丑太皇太后太上皇帝自鄴先趨濟州周師漸逼癸未幼主又自鄴東走乙丑周師至紫陌橋癸巳燒城西門太上皇帝將百餘騎東走乙亥渡河入濟州其日幼主禪位於大丞相任城王湣令侍中斛律孝卿送禪文及璽紱於瀛州孝卿乃以之歸周又為任城王詔尊太上皇帝為無上皇幼主為守國天王雷太皇太后濟州遣高阿那肱雷守太上皇帝并皇后攜幼主走青州韓長鸞鄧顥等數十人從太上皇帝既至青州即為入陳之計而高阿那肱召周軍約生致齊主而屢使人告言賊軍在遠已令人燒斷橋路太上所以停緩周軍奄至青州太上窘急將遜於陳置金囊於鞍後與長鸞淑妃等十數騎至青州南鄧村為周將尉遲綱所獲送鄴周武帝與抗賓主禮并太后幼主諸王俱送長安封帝溫國公

北周

宣帝大象元年詔傳位於皇太子自稱天元皇帝

按周書宣帝本紀大象元年春二月辛巳詔曰有聖大寶實惟重器元天表命人事與能幽顯同謀確乎不易域中之大寶懸定於杳冥天下為公蓋不避於內舉我大周感蒼昊之精受河洛之錫武功文德光格區宇創業垂統永光無窮朕以寡薄祗承鴻緒上賴先朝得一之述下藉羣后不貳之心職貢與雲雨俱通憲章共光華並亘圓首方足咸登仁壽思隆國本用弘天曆皇太子行地居上嗣正統所歸遠憑積德之休允叶無疆之祚帝王之量未肅而成天祿之期不謀已至朕今傳位於衍乃瞻四海深合謳歌之望俾予一人高蹈風塵之表萬方兆庶知朕意焉可大赦天下改大成元年為大象元年帝於是自稱天元皇帝所居稱天臺竟有二十四旋室服旗鼓皆以二十四為節內史御正皆置上大夫妻帝衍稱正陽宮置納言御正諸衛等官皆准天臺尊皇太后為天元皇太后

大象二年帝自稱為天元皇帝凡制勅稱謂繫以天大為號

按周書宣帝本紀大象二年二月乙丑改制詔為天制詔勅為天勅壬午尊天元皇太后為天元上皇太后天皇太后李氏曰天元聖皇太后癸未立天元皇后楊氏為天元太皇后天后朱氏為天大皇后天后右皇后元氏為天右大皇后天左皇后陳氏為天左大皇后正陽宮皇后直稱皇后三月庚子詔天臺侍衛之官皆著五色及紅紫綠衣以雜色為緣名曰品色衣有大事與公服間服之壬寅詔內外命婦皆執

明倫彙編宮闈典第十一卷太上皇部

笏其拜宗廟及天臺皆俛伏甲辰初置天中大皇后立天左大皇后陳氏為天中大皇后立妃尉遲氏為天左大皇后每對臣下自稱為天以五色土塗所御天德殿各隨方色又於後宮與皇后等列坐用宗廟禮器饗舞珪璣之屬以飲食焉又令羣臣朝天臺者皆致齋三日清身一日車旗章服倍於前王之數既自比上帝不欲令人同己嘗自帶綬及冠通天冠加金附蟬顧見侍臣武弁上有金蟬及王公有綬者並令去之又不聽人有高大之稱諸姓高者改為姜九族稱高祖者為長祖曾祖為次長祖官名凡稱上及大者改為長有天者亦改之又今天下車皆以渾成木為輪禁天下婦人皆不得施粉黛之飾唯官人得乘有輜車加粉黛焉每咎捶人皆以百二十為度名曰天杖宮人內職亦如之

隋

煬帝大業十三年遙尊帝為太上皇

按隋書煬帝本紀大業十三年十一月景辰唐公入京師辛酉遙尊帝為太上皇立代王侑為帝按恭帝本紀煬帝親征遼東令代王於京師總留事十一年從幸晉陽拜太原太守尋鎮京師義兵入長安尊煬帝為太上皇帝纂業

恭帝義寧元年代王以奉太上皇明詔即皇帝位按隋書恭帝本紀義寧元年十一月壬戌上即皇帝位於於大典殿詔曰王道喪亂天步不康古往今來代有其事屬之於朕逢此百罹彼蒼者天胡寧斯忍襁褓之歲夙遭憫凶孺子之辰太上播越興言感動實疾於懷太尉唐公膺期作宰時稱舟楫大拯橫流糾

合義兵翼戴皇室與國休戚再匡區夏爰奉明詔弼予幼冲顯命光臨天威咫尺對揚尊號悼心失圖一人在遠三讓不遂侃侃南面屑身無所苟利社稷莫敢或違俯從羣議奉遵聖旨可大赦天下改大業十三年為義寧元年

義寧二年太上皇被弑江都

按隋書恭帝本紀義寧二年三月右屯衛將軍宇文化及殺太上皇於江都宮五月詔曰天禍隋國大行太上皇遇盜江都酷甚望夷深驪北憫予小子奄逮丕覺哀號承感心情靡潰仰惟荼毒仇復靡申形影相弔罔知啓處相國唐王膺期命世扶危拯溺自北徂南東征西怨總九合於一匡決百勝於千里糾率夷夏大庇氓黎保乂朕躬緊王是賴德倖造化功格蒼旻兆庶歸心曆數斯在屈為人臣載違天命在昔虞夏揖讓相推苟非重華誰堪命禹當今九服崩離三靈改卜大運去矣請避賢路兆謀布德顧己莫能私僮命駕須歸藩國予本代王及子而代天之所廢豈期如是庶憑稽古之聖以誅四凶事值惟新之恩預充三恪雪冤恥於皇祖守禮祀為孝孫朝聞夕殞及泉無恨今遵故事遜於舊邸庶官羣辟改事唐朝宜依前典趣上尊號若釋重負感泰兼懷假手真人俾除醜逆濟濟多士明知朕意

唐

高祖武德九年八月詔傳位於皇太子太宗即位尊帝為太上皇

按舊唐書高祖本紀武德九年六月庚申秦王以皇太子建成與齊王元吉同謀害己率兵誅之詔立秦

王為皇太子總統萬機大赦天下八月癸亥詔傳位於皇太子尊帝為太上皇

太宗貞觀三年四月乙亥太上皇徙居於大安宮

按唐書太宗本紀云云

貞觀四年七月甲戌太上皇不豫廢朝十月辛卯獵於貴泉谷甲辰獵於魚龍川獻獲於大安宮

按唐書太宗本紀云云

貞觀七年帝奉太上皇置酒未央宮

按唐書太宗本紀不載按通鑑綱目貞觀七年十二月帝從上皇宴漢未央宮上皇命頡利可汗起舞

馮智戴詠詩既而笑曰胡越一家古未有也帝捧觴上壽曰此皆陛下教誨非臣智力所及昔漢高祖亦從太上皇宴此宮妄自矜大臣不取也上皇大悅

南蠻酋長馮盎之子也先登還入侍故入侍莫

貞觀八年十二月丁卯從太上皇閱武於城西

按唐書太宗本紀云云

貞觀九年五月庚子太上皇崩

按唐書太宗本紀云云

按文獻通考上皇居大安宮上屢請上皇避暑九成宮上皇以隋文帝終於彼惡之乃營大明宮以為上皇清暑之所未成而上皇寢疾不果居九年崩

睿宗延和元年八月庚子立皇太子為皇帝以聽小事自尊為太上皇以聽大事

按唐書睿宗本紀云云按元宗本紀睿宗即位立為皇太子景雲一年監國聽除六品以下官延和元年星官言帝座有變睿宗曰傳德避災吾意決矣七月壬辰制皇太子宜即皇帝位太子惶懼入請睿宗

曰此吾所以答天戒也皇太子乃御武德殿除三品以下官八月庚子即皇帝位十月庚子享於太廟大赦

按文獻通考睿宗在位二年制傳位於太子太子上表固辭太平公主勸上雖傳位猶宜總大政上乃謂太子曰汝以為天下事重欲朕兼理之耶昔舜禪禹猶親巡狩朕雖傳位豈忘國家其軍國大事當兼省

之八月庚子元宗即位尊睿宗為太上皇上皇自稱曰朕命曰詔五日一受朝於太極殿皇帝自稱曰予命曰制勅曰受朝於武德殿三品以上除授及大刑政決於上皇餘皆決於皇帝

先天二年七月乙丑詔歸政於皇帝

按唐書睿宗本紀云云

按文獻通考七月上誅太平公主及其黨上皇諸自今軍國政刑一皆取皇帝處分朕方無為養志以遂素心是月徙居百福殿

元宗開元二年六月甲子以太上皇避暑徙御大明宮

按唐書元宗本紀云云

開元四年正月朝太上皇於西宮六月甲子太上皇崩

按唐書元宗本紀云云

天寶十五載八月肅宗即位於靈武尊皇帝為上皇

按唐書元宗本紀天寶十五載八月癸巳皇太子即皇帝位於靈武以聞庚子上皇天帝詔遣韋見素房琯崔渙奉皇帝冊於靈武按肅宗本紀天寶三載

天寶十五載八月肅宗即位於靈武尊皇帝為上皇

按唐書元宗本紀天寶十五載八月癸巳皇太子即皇帝位於靈武以聞庚子上皇天帝詔遣韋見素房琯崔渙奉皇帝冊於靈武按肅宗本紀天寶三載

按唐書元宗本紀天寶十五載八月癸巳皇太子即皇帝位於靈武以聞庚子上皇天帝詔遣韋見素房琯崔渙奉皇帝冊於靈武按肅宗本紀天寶三載

安祿山來朝太子識其有反相請以罪誅之元宗不聽祿山反十五載元宗避賊行至馬嵬父老遮道請留太子討賊元宗許之遣壽王瑁及內侍高力士諭太子太子乃還六月丁酉至渭北便橋己亥次保定庚戌次豐寧見大河之險將保之會天大風迴趨靈武七月辛酉至於靈武壬戌裴冕等請皇太子即皇帝位甲子即皇帝位於靈武尊皇帝曰上皇天帝十月遣永王璘朝上皇天帝於蜀郡

按文獻通考肅宗至德元年即位於靈武尊元宗曰上皇天帝靈武使者至蜀上皇喜曰吾兒應天順人吾復何憂制自今改制勅爲詔表疏稱太上皇四海軍國事皆先取皇帝進止仍奏朕知俟克復上京朕不復預事命韋見素房琯崔渙奉傳國寶玉冊詣靈武傳位

肅宗至德二載克復兩京迎上皇於蜀居興慶宮按唐書肅宗本紀至德二載十月癸亥遣太子太師韋見素迎上皇天帝於蜀郡丁卯至自靈武饗於太廟哭三日十二月丙子上皇天帝至自蜀郡

按文獻通考至德二載克復兩京使韋見素入蜀奉迎上皇上皇至鳳翔從兵六百餘人上皇命悉以甲兵輸郡庫上發精騎三千奉迎十二月丙午上皇至咸陽上備法駕迎於望賢宮上皇在宮南樓上釋黃袍著紫袍望樓下馬越進拜舞於樓下上皇降樓撫上而泣上捧上皇足嗚咽不自勝上皇索黃袍自爲上著之上伏地頓首固辭上皇曰天數人心皆歸於汝使朕得保養餘齒汝之孝也上不得已受之父老在仗外歡呼且拜上令開仗縱千餘人入謁上皇曰

臣等今日復覩二聖死無恨矣上皇不肯居正殿曰此天子之位也上固請自扶上皇登殿尚食進食上品嘗而薦之丁未將發行宮上親爲上皇習馬而進之上皇上馬上親執鞭行數步上皇止之上乘馬前引不敢當馳道上皇謂左右曰吾爲天子五十年未爲貴今爲天子父乃貴耳左右皆呼萬歲上皇自開遠門入大明宮御舍元殿慰撫百官乃詣長樂殿九廟主慟哭久之即日幸興慶宮遂居之

乾元元年上皇授皇帝傳國寶帝上上皇冊號按唐書肅宗本紀乾元元年正月戊寅上皇天帝御宣政殿授皇帝傳國受命寶符冊號曰光天文武大聖孝感皇帝乙巳上上皇天帝冊號曰聖皇天帝上元元年七月丁未聖皇天帝遷於西內

按唐書肅宗本紀云云 按李輔國傳太上皇居興慶宮帝自複道來起居太上皇亦間至大明宮或相逢道中帝命陳元禮高力士王承恩魏悅玉眞公主常在太上皇左右梨園弟子日奏聲伎爲娛樂輔國素微賤雖暴貴力士等猶不爲禮怨之欲立奇功自固初太上皇每置酒長慶樓南俯大道因徘徊觀覽或父老過之皆拜舞乃去上元中劍南奏事吏過樓下因上謁太上皇賜之酒詔公主及如仙媛主之又召郭英乂王鉉等飲資子頗厚輔國因妄言於帝曰太上皇居近市交通外人元禮力士等將不利陛下六軍功臣反側不自安願徙太上皇入禁中帝不寤

先時興慶宮有馬三百輔國矯詔取之裁畱十馬太上皇謂力士曰吾兒用輔國謀不得終孝矣會帝屬疾輔國即詐言皇帝請太上皇按行宮中至齋武門

射生官五百遮道太上皇驚幾墜馬問何爲者輔國以甲騎數十馳奏曰陛下以興慶宮湫隘奉迎乘輿還宮中力士厲聲曰五十年太平天子輔國欲何事叱使下馬輔國失轡罵力士曰翁不解事斬一從者力士呼曰太上皇問將士各好在否將士納刀呼萬歲皆再拜力士復曰輔國可御太上皇馬輔國轉而走與力士對執轡還西內居甘露殿侍衛才數十皆尨老太上皇執力士手曰微將軍朕且爲兵死鬼左右皆流涕又曰興慶吾王地數以讓皇帝帝不受今之徒自吾志也俄而流承恩播州魏悅濠州如仙媛歸州公主居玉眞觀更料後宮聲樂百餘更侍太上皇備灑掃詔萬安咸宜二公主視服膳自是太上皇快快不豫至棄天下

上元二年建子月己亥朝聖皇天帝於西內按唐書肅宗本紀云云 寶應元年建巳月甲寅聖皇天帝崩按唐書肅宗本紀云云 按文獻通考李輔國既矯詔遷上皇居甘露殿流力士等於遠方輔國詣上請罪上曰卿防微杜漸以安社稷何懼也自是上皇日以不憚辟穀成疾上初猶往問安既而但遣人起居寶應元年上皇崩

順宗末貞元年立皇太子爲皇帝自稱太上皇按唐書順宗本紀末貞元八年八月庚子立皇太子爲皇帝自稱曰太上皇辛丑改元降死罪以下立良娣王氏爲太上皇后 憲宗元和元年正月皇帝率羣臣上尊號曰應乾聖壽太上皇是月崩於咸寧殿

按唐書憲宗本紀云云

欽定古今圖書集成明倫彙編宮闈典

第十二卷目錄

太上皇部彙考二

宋徽宗宣和一則 徽宗靖康二則 高宗紹興三則 孝宗隆興二則 乾道八則 淳熙八則 光宗紹熙五則 寧宗慶元四則 嘉泰一則 明英宗正統一則 代宗景泰二則 英宗天順一則

宮闈典第十二卷

太上皇部彙考二

宋

徽宗宣和七年詔內禪太子即位尊爲教主道君太上皇帝

按宋史欽宗本紀宣和七年十二月庚申徽宗詔皇太子嗣位自稱曰道君皇帝趣太子入禁中被以御服泣涕固辭因得疾又固辭不許辛酉即皇帝位御垂拱殿見羣臣乃引道君皇帝出居龍德宮皇帝出居櫺景園以少宰李邦彥爲龍德宮使太保領樞密院事蔡攸門下侍郎吳敏副之內寅上道君皇帝尊號曰教主道君太上皇帝皇后曰道君太上皇后

欽宗靖康元年正日帝詣龍德宮行慶賀禮金人入寇道君皇帝東巡尋還朝

按宋史欽宗本紀靖康元年春正月丁卯朔受朝臣朝賀退詣龍德宮賀道君皇帝已巳金人濟河詔親征道君皇帝東巡以領樞密院事蔡攸爲行宮使尚書左丞宇文粹中副之詔罷內外官司局所一百五

處畱後苑以奉龍德宮庚午道君皇帝如亳州百姓多潛遁辛巳道君皇帝幸鎮江三月丁卯朔遣徽猷閣待制朱煥奉表道君皇帝行宮癸酉命趙野爲道君皇帝行宮奉迎使癸未遣李綱迎道君皇帝於南京乙酉迎道君皇帝於宜春苑夏四月己亥迎太上皇帝入都門壬寅朝於龍德宮五月丙寅朔朝於龍德宮令提舉官日具太上皇帝起居平安以聞六月

丙申朔以道君皇帝還朝御紫宸殿受羣臣朝賀王寅詔今日政令惟遵奉上皇詔書修復祖宗故事羣臣庶士亦當講孔孟之正道察安石舊說之不當者羽翼朕志以濟中興冬十月壬寅天寧節率羣臣詣龍德宮上壽十一月丙辰京城陷丁巳奉道君皇帝寧德皇后入居延福宮命何桌及濟王栩使金軍戊午何桌入言金人邀上皇出郊帝曰上皇驚憂而疾必欲之出朕當親往 按禮志靖康元年正月朔朝賀畢車駕詣龍德宮賀百官班門外宰執進見如儀靖康二年上皇北狩

按宋史欽宗本紀靖康二年二月丁卯金人要上皇如青城辛未金人偪上皇召皇后皇太子入青城三月丁巳金人挾上皇北行

高宗紹興七年上皇崩聞至詔終三年之喪

按宋史高宗本紀紹興七年春正月丁亥何鮮范寧之至自金國始聞上皇及寧德皇后崩己丑帝成服二月癸巳百官七上表請遵以日易月之制徽猷閣待制知嚴州胡寅請服喪三年衣墨臨戎以化天下帝欲遂終服而張浚連疏論喪服不可即戎遂詔外朝勉從所請宮中仍行三年之喪庚子遣王倫等使

金國迎奉梓宮九月甲子上太上皇帝諡曰聖文仁德顯孝皇帝廟號徽宗皇后曰顯肅皇后冬十月甲戌始作徽宗皇帝顯肅皇后神主十二月丁卯朔徽宗皇帝顯肅皇后神主於太廟癸未王倫等使還入見言金國許還梓宮及皇太后丁亥復遣王倫等奉迎梓宮

紹興八年遣使奉迎上皇梓宮

按宋史高宗本紀紹興八年五月丁未金國使烏陵思謀石慶充與王倫等偕來秋七月乙酉朔復命王倫及藍公佐奉迎梓宮八月戊午詔日者遣使報聘鄰國期還梓宮尚慮邊臣未諭遂弛戎備以疑衆心其各嚴飭屬城明告部曲臨事必戒無忘捍禦冬十月丁丑金國使張通古蕭哲與王倫偕來十一月戊戌王倫入見己亥復以倫爲國信計議使中書舍人蘇符副之符辭以疾十二月乙卯以宗正少卿馮檣爲國信計議副使丁丑詔金國使來盡割河南陝西故地通好於我許還梓宮及母兄親族餘無需索庚辰帝不御殿以方居諒陰難行吉禮命秦檜攝冢宰受書以進

紹興三十二年詔皇太子即皇帝位自稱太上皇帝禮官詳內禪儀注及正旦冬至朔望稱賀上壽之禮又詔議上德壽宮尊號冊寶之制以內禪紹統集爲中興禮書

按宋史孝宗本紀帝諱昀字元永太祖七世孫也初太祖少子秦王德芳生英國公惟憲惟憲生新興侯從郁從郁生華陰侯世將世將生慶國公令諱令諱生子稱是爲秀王王夫人張氏夢人擁一羊遺之曰

以此為識已而有娠以建炎元年十月戊寅生帝於秀州青衫牖之官舍紅光滿室如日正中少長名伯琮及元懿太子薨高宗未有後而昭慈聖獻皇后亦自江西還行在后嘗感異夢為高宗言之高宗大悟會右僕射范宗尹亦造膝以請高宗曰太祖以神武定天下子孫不得享之遭時多艱儀落可憫朕若不法仁宗為天下計何以慰在天之靈於是詔選太祖之後同知樞密院事李回曰藝祖不以大位私其子發於至誠陛下為天下遠慮合於藝祖可以昭格天命參知政事張守曰藝祖諸子不聞失德而傳位太宗過堯舜遠甚高宗曰此事不難行朕於伯字行中選擇庶幾昭穆順序而上虞丞婁寅亮亦上書言昌陵之後寂寥無聞僅同民庶藝祖在上莫肯顧歆此金人所以未悔禍也望陛下於伯字行內選太祖諸孫有賢德者高宗讀之大感歎紹興二年五月選帝育於禁中三年二月除和州防禦使賜名瑗壬寅改貴州五年五月用左僕射趙鼎議立書院宮中教之既成遂以為資善堂讀書彞記天資特異己亥制授保慶軍節度使封建國公六月己酉聽讀資善堂以徽猷閣待制范冲兼翊善起居郎朱震兼讀高宗命帝見冲震皆拜十二年正月丁酉加檢校少保封普安郡王三月壬寅出閣就外第十三年九月秀王歿於秀州十四年正月庚辰用廷臣議聽解官行服十六年四月乙巳免喪還舊官十七年六月戊午改常德軍節度使二十四年衡州盜起秦檜遣殿前司將官辛立將千人捕之以不聞帝入侍言之高宗大驚明日以問檜檜謂不足煩聖慮故不敢聞俟朝

夕盜平則奏矣檜退知為帝言忌之及檜疾篤其家祕不以聞謀以子煇代相帝又密啓高宗破其奸三十年二月癸酉立為皇子更名瑋甲戌詔下丙子制授寧國軍節度使開府儀同三司進封建王制出中外大悅四月賜字元璵三十一年十月壬子以明堂恩改鎮南軍節度使先是金人犯邊高宗下詔親征而兩淮失守朝臣多陳退避之計帝不勝其憤請率師為前驅直講史浩以疾在告聞之亟入為帝言太子不宜將兵乃為草奏因中官以進請衛從以共子職高宗因亦欲帝徧識諸將十二月遂扈蹕如金陵三十二年五月甲子立為皇太子改名昀初高宗久有禪位之意嘗以諭帝帝流涕固辭會有邊事不果及歸自金陵陳康伯求去高宗復以倦勤諭之中書舍人唐文若聞而請對言不宜急遽故先下建儲之詔賜名煜監察御史周必大密與康伯言與唐昭宗名同音不可詔別擬進乃定今名既又命學士承旨洪遵為太子擇字遵擬四字以進皆不稱旨甲戌御筆賜字元末乙亥內降御札皇太子可即皇帝位朕稱太上皇帝退處德壽宮皇后稱太上皇后丙子遣中使召帝入禁中面諭之帝又推遜不受即趨側殿門欲還東宮高宗勉諭再三乃止於是高宗出御紫宸殿輔臣奏事畢高宗還宮百官移班殿門外拜詔畢復入班殿庭項之內侍掖帝至御榻前側立不坐內侍扶掖至七八乃略就坐宰相率百僚稱賀帝遂與輔臣升殿固請帝愀然曰君父之命出於獨斷然此大位懼不克當班退太上皇帝即駕之德壽宮帝服袍履步出祥曦殿門冒雨掖輦以行及宮門弗止

上皇慶謝再三且令左右扶掖以還顧曰吾付託得人吾無憾矣左右皆呼萬歲是日詔有司議太上皇帝太上皇后尊號以聞在內諸司日輪官吏應奉德壽宮增置德壽宮提點幹辦等官德壽宮宿衛依皇城及宮門法丁丑朝德壽宮戊寅大赦詔宰相率百官月兩朝德壽宮己卯以即位告於天地宗廟社稷庚辰詔五日一朝德壽宮丁亥詔以太上皇不許五日一朝自今月四朝己丑詔有司月奉德壽宮緡錢十萬甲午太上皇帝尊號曰光堯壽聖太上皇帝太上皇后曰壽聖太上皇后八月戊寅率羣臣詣德壽宮奉上太上皇帝太上皇后尊號冊寶按禮志紹興三十二年六月十日御札皇太子可即皇帝位朕稱太上皇帝退處德壽宮皇后稱太上皇后應軍國事並聽嗣君處分十一日行內禪之禮有司設仗紫宸殿宰臣文武百僚立班皇帝出宮鳴鞭禁衛諸班直親從儀仗并內侍省執骨朵使臣等並迎駕自贊常起居皇帝升御坐知閣門官以下并內侍都知御帶以下一班起居次管庫一班起居次宰執以下常起居訖左僕射陳康伯知樞密院事葉義問參知政事汪澈同知樞密院事黃祖舜升殿奏曰臣等不才輔政累年罪戾山積乃蒙容貸不賜誅責今陛下超然獨斷高蹈堯舜之舉臣等心實欽仰但自此不獲日望清光大馬之情不勝依戀因再拜辭相與泣下幾至號慟帝亦為之流涕曰朕在位三十六年今老且病久欲閒退此事斷自朕心非由臣下開陳卿等當悉力以輔嗣君康伯等復奏曰皇太子仁聖天下所共知似聞謙退太過未肯便御正殿帝曰朕前

此固嘗與之言早來禁中又面諭之即步行徑趨側殿門欲還東宮已再三敦勉邀留今在殿後矣宰執降階皇帝降坐鳴鞭還內宰臣文武百僚並退立班聽宣詔訖再拜舞蹈三稱萬歲再拜訖班權退復追班入詣殿下立班少頃新皇帝服履袍涕泣出宮禁衛諸班直親從儀仗等迎駕起居鳴鞭內侍扶掖皇帝至御榻涕泣再三不坐內侍傳太上皇帝聖旨請皇帝升御坐東側坐知閣門官以下一班起居稱賀次管軍官一班起居稱賀次文武百僚橫行北向立舍人當殿文武百僚宰臣陳康伯以下起居稱賀皇帝降御坐側身西向不坐俟宰臣以下再拜舞蹈三稱萬歲起居稱賀畢康伯等升殿奏臣等言願陛下即御坐以正南面上副太上皇帝傳授之意帝愀然曰君父之命出於獨斷此大位懼不敢當尚容辭避康伯等再奏茲者伏遇皇帝陛下應天順人龍飛寶位第以駕下之材恐不足以仰輔新政然依乘風雲千載之遇實與四海蒼生不勝幸慶再拜賀畢奏事而退宰執下殿皇帝還內鳴鞭宰執文武百僚赴祥職殿候太上皇帝登輦扈從至德壽宮而退翌日詣德壽宮朝見前期儀駕司設大次於德壽宮門內小次於殿東廊西向其日俟皇帝出即御坐從駕臣僚禁衛等起居如常儀皇帝降御坐乘輦至德壽宮文武百僚詣宮門外迎駕起居訖前導官太常卿閣門官太常博士禮直官先入詣大次前分左右立定俟皇帝降輦入次御史臺閣門太常寺報文武百僚入詣殿庭北向立定前導官導皇帝入小次簾降俟太上皇帝即御坐小次簾捲前導官導皇帝升殿東階

詣殿上折檻前奏請拜皇帝再拜訖前導官導皇帝稍前躬奏聖躬萬福訖復位再拜訖導皇帝詣太上皇帝御坐之東西向立殿下在位官皆再拜揖笏三舞蹈三叩頭出笏就拜又再拜班首不離位奏聖躬萬福又再拜班退前導官以次退從駕官歸幕次以俟從駕太上皇帝駕與皇帝從入見太上皇后如宮中之儀皇帝還內如來儀每遇正旦冬至及朔望並依上儀十二日帝詣德壽宮以兩百僚免入見上就宮中行禮自後詣宮若行宮中禮即不集百官陪位十三日詔令宰臣率百官於初一日十六日詣德壽宮起居又詔朕欲每日一朝德壽宮修晨昏之禮面奉慈訓恐廢萬機勞煩羣下不蒙賜許禮官宜重定其期如前代朝朔望甚為疎闊朕不敢取於是禮部太常寺言漢書高皇帝五日一朝太上皇乞依此故事每五日一次詣德壽宮朝見如宮中禮帝始御後殿宰臣陳康伯等奏臣等朝德壽宮太上皇宜論車駕每至宮必於門外降輦已再三勉諭既行家人之禮自宜至殿上降輦帝曰太上有旨不須五日一朝只朝朔望朕心未安宜令有司詳議如宮門降輦臣子禮所當然於是禮部太常言除朝朔望外乞於每月初八二十三日詣德壽宮起居如宮中儀自後皆遵此制如值雨盛暑祁寒臨期承太上特旨乃免十一月冬至上詣德壽宮稱賀上壽禮畢入見太后如宮中禮自後冬至並同又詔上太上皇帝太上皇后尊號集議以聞左僕射陳康伯等言五帝之壽惟堯最高百王之典惟堯獨冠今茲高世之舉視堯有光恭請上太上皇帝尊號曰光堯壽聖太上皇帝太

上皇后尊號曰壽聖太上皇后詔恭依仍令禮部太常討論禮儀以聞左僕射陳康伯撰太上皇帝冊文兼禮儀使參政汪澈書冊文并篆寶知樞密院葉義問撰太上皇后冊文同知樞密院事黃祖舜書冊文八月十四日奉上冊寶是日陪位文武百僚太傅以下行事官並朝服入詣大慶殿下立班皇帝自內服履袍入御幄服通天冠絳紗袍出至大慶殿詣冊寶褥位前再拜在位官皆再拜訖皇帝行發冊寶授太傅之禮如儀禮畢皇帝還幄服履袍還內文武百僚退儀仗鼓吹備而不作護衛冊寶太傅以下行事官導從冊寶至德壽宮皇帝自祥殿服履袍乘輦至德壽宮大次降輦陪位文武官入殿庭立班定太傅以下行事官從冊寶入殿皇帝服通天冠絳紗袍升殿詣西向褥位立太上皇帝自宮服履袍即坐皇帝北向四拜起居訖次太傅以下皆四拜起居次行奉冊之禮中書令參知政事史浩讀冊攝侍中葉義問讀寶讀訖退復位皇帝再拜稱賀曰皇帝臣某稽首言伏惟光堯壽聖太上皇帝陛下冊寶告成鴻名肇正與天同壽率土均歡皇帝再拜次侍中承旨宣答曰皇帝孝通天地禮備古今勉受鴻名良深感慰皇帝再拜訖西向立次太傅以下再拜稱賀致詞曰攝太傅尚書左僕射臣康伯等稽首言伏惟光堯壽聖太上皇帝陛下肅臨寶位誕受不稱獨推天父之尊普慰帝臣之願奏訖再拜舞蹈次侍中承旨宣答曰光堯壽聖太上皇帝聖旨倦勤滋久佚老是圖勉受嘉名但增感慰又再拜舞蹈次太上皇帝降座入宮皇帝後從壽聖太上皇后冊寶入宮皇帝詣太上皇

后座前北向立太上皇后升座皇帝四拜起居行奉上冊寶之禮讀冊官陳子常讀冊讀寶官梁康民讀寶讀訖復位皇帝再拜稱賀致詞曰皇帝臣某稽首言伏惟壽聖太上皇后殿下德茂坤元禮崇大號寶書翕受懽懽無疆皇帝再拜次宣答官承旨宣答曰壽聖太上皇后教旨皇帝祕容載藏顯號來膺誠孝通天但深感惕皇帝再拜訖太上皇后降座入宮次太傅以下文武百僚就德壽殿下拜賤稱賀以俟皇帝服履袍承釐還內十六日宰臣率文武百僚詣文德殿拜表稱賀

祝容祝字原本疑訛

按玉海紹興三十二年三月二十七日權禮部侍郎史彌大言太上再造講明典禮陛下紹統如內禪慶壽之類亙古所無宜宣取以進略經一覽付之有司俾常遵守不必備儀衛施爵賞詔禮部太常寺繳進四月十七日上之凡三百卷賜名中興禮書總六百八十門

孝宗隆興元年帝朝德壽宮又以天申節上壽如儀詔禮官討論德壽宮輿輦儀衛之制

按宋史孝宗本紀隆興元年春正月壬辰朝羣臣朝於文德殿帝朝德壽宮三月丁未詔修太上皇帝聖政五月辛亥詣德壽宮賀天申節按禮志隆興元年太上皇帝天申節皇帝及宰臣文武百僚詣德壽宮上壽是日以欽宗大祥前一日皇帝起居如宮中儀百僚拜表稱賀按儀衛志太上皇儀衛隆興元年孝宗嗣位詔有司討論德壽宮輿輦儀衛先是紹興三十二年六月詔上皇日常朝殿差御龍直四十二人執仗排立并設繳扇鳴鞭宰執退朝仍赴德壽

宮起居如遇行幸令禁衛所隨以祇應兩奉上皇旨却而不受故復有是詔尋有司上言漢之未央唐之興慶其車輦儀衛不載今父堯子舜事親典禮凡往古來今所未備者當以義起極其尊崇為萬世法遂定宰執百官詣德壽宮起居則禁衛所依後殿坐儀排列禁衛二百九十七人祇應行幸則禁衛所差行門禁衛諸班直天武親從官及繳扇鳴鞭燭罩等合五百人隨行扈從前引七十人內行宮殿前崇政殿親從一十人都下親從二十人快行親從二十人殿前指揮使二十人中道六十人編排禁衛行子一十人執從物御龍直三十人執繳扇天武一十人從政殿親從欄前一十人禁衛圍子四重四百人第一崇政殿親從一百人第二御龍直骨朵直弓箭直三十人東西班七十人第三執燭罩都下親從一百人第四內殿直一十人散員散指揮散都頭散祇候金鎗銀鎗班各一十人後從殿前指揮二十人

隆興二年春正月辛卯詔增德壽宮車輦儀衛乙未及皇后朝德壽宮三月庚戌芝生德壽宮五月乙巳率羣臣詣德壽宮賀天申節始用樂

按宋史孝宗本紀云云

乾道元年置德壽宮使從太上皇遊幸又定護從環衛之官

按宋史孝宗本紀乾道元年春正月以錢端禮兼德壽宮使二月庚辰朔朝德壽宮從太上皇太上皇后幸四聖觀冬十月壬辰御大慶殿冊皇太子癸巳詣德壽宮稱謝按禮志乾道元年二月朔帝詣德壽宮恭請太上太后至延祥觀燒香太上與帝乘馬太

后於後乘輿次幸聚景園次幸玉津園自後帝詣德壽宮恭請太上太后至南內或幸延祥觀靈隱寺天竺寺恭進太上聖政冊命皇太子起居稱謝遇游幸則宰執以下從駕至游幸所除管軍環衛官等俟駕還護從還內宰執以下並免護從先退

乾道二年九月己巳魏杞等上太上皇聖政冬十月癸酉太上皇聖政於德壽宮

按宋史孝宗本紀云云

乾道三年二月丙申從太上皇太上皇后幸玉津園甲辰從太上皇太上皇后幸聚景園辛亥詣德壽宮恭請裁定醫官員額

按宋史孝宗本紀云云

乾道四年九月庚午從太上皇幸天竺寺

按宋史孝宗本紀云云

乾道六年帝從太上皇行幸加上太上皇尊號

按宋史孝宗本紀乾道六年三月庚申從太上皇太上皇后幸聚景園辛未又從太上皇太上皇后幸聚景園五月己未陳俊卿虞允文等上太上皇玉牒十一月丁酉加上光堯壽聖太上皇帝尊號曰光堯壽聖憲天體道太上皇帝壽聖太上皇后尊號曰壽聖明慈太上皇后

乾道七年太上皇冊寶

按宋史孝宗本紀乾道七年春正月丙子率羣臣奉上太上皇太上皇后冊寶於德壽宮夏四月壬戌從太上皇太上皇后幸聚景園九月甲申從太上皇太上皇后幸東園

乾道八年立皇太子詣德壽宮上壽

按宋史孝宗本紀不載 按禮志乾道八年立皇太子皇帝率皇太子及文武百寮詣德壽宮上壽前期儀駕司陳設德壽宮殿門之內外設御坐於殿上當中南向設大次於德壽宮門內南向小次於殿東廊西向設皇帝褥位二一於御坐東南西向一於御坐之南北向尚醴設御酒尊酒器於御坐之東有司又設御茶牀於御坐之西俱稍北其日文武百寮內不係從駕者重先赴德壽宮門外以俟迎駕起居質明皇帝服褙袍出御坐從駕臣僚禁衛起居如常儀皇帝降坐乘輦將至德壽宮文武百僚迎駕再拜起居訖前導官太常卿閣門官太常博士禮直官先入詣大次前分左右立定皇帝降輦入次御史臺閣門太常寺分引皇太子并文武百僚入詣殿庭東西相向立定前導官導皇帝入小次簾降皇太子并文武百僚並橫行北向立太上皇帝出宮升御坐鳴鞭小次簾捲前導官導皇帝升殿東階詣殿折檻前北向褥位再拜躬奉聖躬萬福再拜皇帝詣太上皇帝御坐之東褥位西向立前導官於殿上隨地之宜立次舍人揖皇太子并文武百僚躬典儀日再拜贊者承傳在位官皆再拜揖舞蹈又再拜皇太子不離位奉聖躬萬福各再拜直身分東西相向立禮直官引奉盤醴官受盤醴宣承旨宣答官奏禮畢殿中監少監升殿內侍進御茶牀尚醴典御以盤醴酒注授殿中監少監次禮直官引奉盤醴官詣尊所北向殿中監啓醴殿中少監注酒奉盤醴官奉酒詣皇帝前北向禮直官引受盤醴官詣太上皇帝御坐前西向立皇太子并文武百僚橫行北向立奉盤醴官躬進皇

帝皇帝奉酒前導官導皇帝詣太上皇帝御坐前躬進訖少後以盤授盤醴官前導官導皇帝詣太上御坐前褥位北向俛伏跪殿下皇太子并百僚皆躬身皇帝奏臣某謹率文武百僚稽首言天申令節臣某與百僚等不勝大慶謹上千萬歲壽奏訖伏興再拜在位官皆再拜承旨宣答官宣曰得皇帝壽酒與皇帝并百僚內外同慶皇帝再拜在位官皆再拜訖分東西相向立皇帝詣御坐東西向立奉盤醴官以盤北向恭進皇帝奉盤樂作俟太上皇帝飲酒皇帝躬接醴訖皇帝少後以盤醴授受盤醴官以授殿中監各復位立皇太子并文武百僚橫行北向皇帝詣褥位北向再拜在位官皆再拜皇帝詣太上御坐東褥位西向立皇太子并文武百僚再拜揖舞蹈又再拜訖內侍舉茶牀奏禮畢官北向俛伏跪奏具官臣某言禮畢在位官再拜太上皇帝駕興皇帝從入文武百僚以次退

乾道九年羣臣上中典會要及上皇玉牒金使來賀正旦旨聽仍舊

按宋史孝宗本紀乾道九年三月戊申從太上皇太上皇后幸聚景園九月丙申梁克家等上中典會要太上皇及皇帝玉牒十二月乙酉金遣完顏璋等來賀明年正旦以議受書禮不合詔俟改日以太上有旨姑聽仍舊

淳熙二年太上皇壽七十詔上尊號冊寶禮官又上慶壽之禮

按宋史孝宗本紀淳熙二年三月丙申以太上皇壽七十詔禮官討論慶壽典禮十月壬午詣德壽宮加

上光堯壽聖憲天體道太上皇帝尊號曰光堯壽聖憲天體道性仁誠德經武緯文太上皇帝壽聖明慈太上皇后尊號曰壽聖齊明廣慈太上皇后十一月戊申朔奉太上皇太上皇后冊寶於德壽宮十二月甲午朔德壽宮行慶壽禮大赦文武官封父母賞諸軍議放天下苗稅三之一大臣言國用不足遏止

按禮志淳熙二年十一月詔太上皇帝聖壽無疆新歲七十以十一日冬至加上尊號冊寶十二月十七日立春行慶壽禮是日早文武百僚並簪花赴文德殿立班聽宣慶壽赦宣赦訖從駕至德壽宮行慶壽禮致詞曰皇帝臣某言天祐君親錫茲難老惟春之古年德加新臣某與羣臣等不勝大慶謹上千萬歲壽餘與前上壽儀注同禮畢從駕官應奉官禁衛等並簪花從駕還內文武百僚文德殿拜表稱賀

淳熙三年三月辛亥太上皇日曆於德壽宮秋七月庚辰太上皇詔立貴妃謝氏為皇后

按宋史孝宗本紀云云

淳熙七年三月庚午迎太上皇太上皇后宴翠寒堂

按宋史孝宗本紀云云

淳熙十二年太上皇壽八十詔議行慶壽禮上尊號冊寶推恩如紹興故事

年故事

淳熙十三年春正月庚辰率羣臣詣德壽宮行慶壽禮

按宋史孝宗本紀云云 按禮志十三年春正月朔以太上皇帝聖壽八十帝率羣臣詣德壽宮行禮其儀注恩赦並如淳熙二年典故

淳熙十四年太上皇不豫帝盡禱祀侍問之禮及崩終三年之喪

按宋史孝宗本紀淳熙十四年九月癸卯太上皇不豫乙巳詣德壽宮問疾冬十月辛未以太上皇不豫赦壬申詣德壽宮問疾癸酉分遣羣臣禱於天地宗廟社稷甲戌以太上皇未御常膳自來日不視朝辛執奏事內殿乙亥詣德壽宮侍疾太上皇崩於德壽殿遺詔太上皇后改稱皇太后奉皇太后旨以奉國軍承宣使甘昇主管太上皇喪事丙子以韋璞等爲金告哀使戊寅以榮陽郡王伯圭爲贊官總護使翰林學士洪邁言大行皇帝廟號當稱祖詔有司集議以聞己卯詔尊皇太后辛巳詔曰大行太上皇帝奄棄至養朕當衰服三年羣臣自遵易月之令可令有司討論儀制以聞甲申用禮官顏師魯等言大行太上皇帝上繼徽宗正統廟號稱宗乙酉百官五上表請帝還內聽政丙戌詔俟過小祥勉從所請戊子帝衰絰御素輦還內甲午詣德壽宮自是七日皆如之十一月戊戌朔詣德壽宮自是朔望皆如之己亥大行太上皇帝大祥自是帝以白布巾袍御延和殿詣德壽宮衰絰而杖如初詔皇太子惇參決庶務庚子皇太子三辭參決庶務不許辛丑詣德壽宮禪祭百

官釋服甲辰羣臣三上表請御殿聽政詔俟過祔廟辛亥詣德壽宮己未詔三日一朝德壽宮

淳熙十五年以德壽宮喪免諸州軍進奉金遣使來弔喪上上皇廟號冊寶及配饗祔廟之禮

按宋史孝宗本紀淳熙十五年春正月丁酉朔詣德壽宮几筵行禮乙巳詔免諸州軍會慶節進奉二年二月丁亥金遣蒲察克忠等來弔祭行禮於德壽殿次見帝於東楹之素幄癸巳遣京鏐等使金報謝三月庚子王淮等上大行太上皇諡曰聖神武文憲孝皇帝廟號高宗乙巳上高宗諡冊寶於德壽殿丁未右丞相周必大攝太傅持節導梓宮癸丑用洪邁議以呂頤浩趙鼎韓世忠張浚配饗高宗廟庭吏部侍郎章森乞用張俊岳飛祕書少監楊萬里乞用浚皆不報丙寅權輿高宗於未思陵夏四月壬申帝親行奉迎虞主之禮自是七虞八虞九虞卒哭奉辭皆如之丙戌祔高宗神主於太廟詔曰朕比下令欲衰絰三年羣臣屢請御殿易服故以布素視事內殿雖詔俟過祔廟勉從所請然稽之典禮心實未安行之終制乃爲近古宜體至意勿復有請己丑皇太后有旨車駕一月四詣德壽宮如舊禮秋七月戊戌上高宗廟樂曰大動舞曰大德十一月庚子建煥章閣藏高宗御集

淳熙十六年帝御紫宸殿行內禪禮光宗受禪上尊號曰至尊壽聖皇帝居重華宮

按宋史光宗本紀淳熙十四年十月乙亥高宗崩十一月己亥百官大祥畢孝宗手詔皇太子可令參決庶務以內東門司爲議事堂十五年二月戊戌帝始

赴議事堂自是間日與輔臣公裳繫鞋相見內外除擢自館職部刺史以上乃以聞九月乙巳又詔每遇朝殿令皇太子侍立十一月丞相周必大乞去孝宗諡曰朕比年病倦欲傳位太子卿須少畱會陳康伯家以紹興傳位御劄來上十二月壬申孝宗遣中使密持賜必大因令討論典禮既又密以禪意諭參知政事畱正十六年正月辛亥兩府奏事孝宗諭以倦勤欲禪位皇太子退休養以畢高宗三年之制因令必大進呈詔草二月壬戌孝宗吉服御紫宸殿行內禪禮應奉官以次稱賀內侍固請帝坐帝固辭內侍扶掖至七八乃微坐復興次丞相率百僚稱賀禮畢樞密院官升殿奏事帝立聽班退孝宗反喪服御後殿帝侍立尋登輦同詣重華宮帝還內即上尊號曰至尊壽聖皇帝皇后曰壽成皇后甲子帝率羣臣朝重華宮大赦百官進秩一級優賞諸軍錫公私通賁及郡縣淳熙十四年以前稅役丙寅帝率羣臣詣重華宮上尊號冊寶庚午詔五日一朝重華宮三月戊申以壽皇却五日之朝詔自今月四朝重華宮五月丁酉詔丞相以下月一朝重華宮

光宗紹熙元年帝詣重華宮上壽皇冊寶及玉牒日曆

按宋史光宗本紀紹熙元年春正月丙辰朔帝率羣臣詣重華宮奉上壽聖皇太后至尊壽聖皇帝壽成皇后冊寶八月己亥帝率羣臣上壽聖皇帝玉牒日曆於重華宮

紹熙二年四月壽皇幸聚景園十一月壽聖皇帝及壽成皇后來視疾

按宋史光宗本紀紹熙二年夏四月乙酉從壽皇聖
帝壽成皇后幸聚景園十一月辛未有事於太廟皇
后李氏殺皇貴妃以暴卒聞壬申合祭天地於園丘
以太祖太宗配大風雨不成禮而罷帝既聞貴妃薨
又值此變震懼感疾罷稱賀肆赦不御樓壽皇聖帝
及壽成皇后來視疾

紹熙三年羣臣請帝詣重華宮帝朝重華宮都人大
說

按宋史光宗本紀紹熙三年四月戊午帝朝重華宮
十月辛亥帝詣重華宮進香庚申會慶節丞相率百
官詣重華宮拜表稱賀十一月丙戌日南至丞相率
百官詣重華宮拜表稱賀兵部尚書羅點給事中尤
袤中書舍人黃裳皆上疏請帝朝重華宮吏部尚書
趙汝愚亦因面對以請帝開納辛卯帝朝重華宮皇
后繼至都人大說十二月癸卯帝率羣臣上壽皇聖
帝玉牒聖政會要於重華宮 按慈懿李皇后傳后
為皇太子妃嘗訴太子左右於高孝二宮高宗不憚
謂吳后曰是婦將種吾為皇甫坦所誤孝宗亦屢訓
后宜以皇太后為法不然行當廢汝后疑其說出於
太后及太子即位冊為皇后光宗欲誅宦者近習皆
懼遂謀離間三宮會帝得心疾孝宗購得良藥欲因
帝至宮授之宦者遂訴於后曰太上合藥一大丸俟
官車過即投藥萬一有不虞其奈宗社何后覩藥實
有心術之頃之內宴后請立嘉王為太子孝宗不許
后曰妾六禮所聘嘉王妾親生也何為不可孝宗大
怒后退持嘉王泣訴於帝謂壽皇有廢立意帝惑之
遂不朝太上

紹熙四年帝以后言不朝重華宮羣臣固請乃從
按宋史光宗本紀紹熙四年春正月己巳朔帝朝重
華宮三月丙子帝朝重華宮皇后從癸巳帝從壽皇
聖帝壽成皇后幸聚景園九月己巳金遣董師中等
來賀重明節庚午重明節百官上壽侍從兩省請帝
朝重華宮不聽甲申帝將朝重華宮皇后止帝中書
舍人陳傅良引裾力諫不聽戊子著作郎沈有開祕
書郎彭龜年禮部侍郎倪思等咸上疏請朝重華宮
壬子祕書省官請朝重華宮疏三上不報甲寅工部
尚書趙彥逾等上疏重華宮乞會慶聖節勿降旨免
朝壽皇曰朕自秋涼以來思與皇帝相見卿等奏疏
已令進御前矣明日會慶節帝以疾不果朝丞相葛
邲率百官賀於重華宮侍從上章居家待罪詔不許
嘉王府翊善黃裳上疏請誅內侍楊舜卿臺諫張叔
椿章穎上疏乞罷黜戊午太學生汪安仁等二百一
十八人上書請朝重華宮皆不報己未丞相以下奏事
重華宮庚申帝將朝重華宮復以疾不果丞相以下
上疏自劾請罷政彭龜年請逐陳源以謝天下皆不
報十一月戊寅帝朝重華宮都人大說 按慈懿李
皇后傳帝久不朝太上中外疑駭紹熙四年九月重
明節宰執侍從臺諫連章請帝過宮給事中謝深甫
言父子至親天理昭然太上之愛陛下亦猶陛下之
愛嘉王太上春秋高千秋萬歲後陛下何以見天下
帝感悟趣命駕朝重華宮是日百官班列俟帝出至
御屏后挽帝入曰天寒官家且飲酒百僚侍衛相
顧莫敢言中書舍人陳傅良引帝裾請母入因至屏
後后叱曰此何地爾秀才欲斫頭耶傅良下殿慟哭

后復使人問曰此何理也傅良曰子諫父不聽則號
泣而隨之后益怒遂傳旨罷還宮

紹熙五年壽皇不豫羣臣請詣重華宮問疾尋崩帝
不能執喪太皇太后吳氏定策立嘉王又尊帝為太
上皇

按宋史光宗本紀紹熙五年春正月癸亥朔帝御大
慶殿受羣臣朝遂朝重華宮次詣慈福宮行慶壽禮
推恩如淳熙十年故事癸酉壽皇聖帝不豫三月己
巳壽成皇后生辰免過宮上壽夏四月乙未壽皇聖
帝幸東園甲辰侍從入對請朝重華宮己酉太學生
程宥說等以帝未朝移書大臣事聞帝將以癸丑日
朝至期丞相以下入宮門以俟日昃帝復以疾不果
出侍從館學官上疏乞罷黜居家待罪職事官請去
待罪者百餘人詔不許丙辰侍講黃裳祕書少監孫
逢吉等再上疏以請丁巳起居郎兼權中書舍人陳
傅良請以親王執政或近上宗戚一人充重華宮使
臺諫交章劾內侍陳源楊舜卿林億年離間兩宮請
罷逐之五月甲子侍從入對未得見宰執詣重華宮
問疾不及引陳傅良繳上告勅出城待罪丁卯以壽
皇聖帝疾棘命丞相以下分禱天地宗廟社稷戊辰
丞相留正等請帝侍疾正引裾隨帝至福寧殿久之
乃泣而出辛未丞相以下以所請不從求退帝命皆
退於是丞相以下遂出城待罪知閤門事韓侂胄請
宣押入城許之乙亥帝將朝重華宮復不果戊寅以
壽皇聖帝疾赦權刑部尚書京鏗入對請朝重華宮
庚辰丞相以下詣重華宮問疾癸未起居舍人彭龜
年叩頭請奏事詔令上殿乃請朝重華宮甲申從官

列奏以請嘉王府翊善黃裳講讀官沈有開彭龜年奏乞令嘉王詣重華宮問疾許之王至重華宮壽皇爲之感動丙戌權戶部侍郎袁說友人對請朝重華宮六月戊戌夜壽皇聖帝崩遺詔改重華宮爲慈福宮建壽成皇后殿於宮後以便定省以重華宮錢銀一百萬緡賜內外軍先是丞相留正知樞密院事趙汝愚參知政事陳騤同知樞密院事余端禮聞壽皇聖帝大漸見帝於後殿力請帝朝重華宮皇子嘉王亦泣以請不聽至是丞相正聞壽皇聖帝崩乃率百官聽遺詔於重華宮己亥丞相以下上疏請詣重華成禮庚子遣薛叔似等使金告哀辛丑率百官拜表請就喪次成服壬寅壽皇大斂皇子嘉王復入奏事詔俟疾愈過宮行禮丞相以下請皇太后垂簾聽政不許請代行祭奠禮許之仍有旨皇帝有疾聽就內中成服按寧宗本紀紹熙五年六月戊戌孝宗崩光宗以疾不能出壬寅宰臣請太皇太后垂簾聽政不許請代行祭奠之禮從之丁未宰臣奏云皇子嘉王仁孝夙成宜正儲位以安人心越六日奏三上從之明日遂擬旨以進是夕御批付丞相云歷事歲久念欲退閒七月辛酉留正以疾辭去知樞密院事趙汝愚見正去乃遣韓侂胄因內侍張宗尹以禪位嘉王之意請於太皇太后不獲遇提舉重華宮關禮侂胄因其問告之禮繼入內泣請於太皇太后太皇太后乃悟令諭侂胄曰好爲之侂胄出告汝愚命殿帥郭杲夜分兵衝南北翌日禮祭汝愚率百官詣大行柩前太皇太后垂簾汝愚率同列再拜奏皇帝疾不能執喪臣等乞立皇子嘉王爲太子以安人心乃奉

御批八字以奉太皇太后曰既有御筆卿當奉行汝愚曰內禪事重須議一指揮太皇太后允諾汝愚袖出所擬以進云皇帝以疾未能執喪曾有御筆欲自退閒皇子嘉王擴可即皇帝位尊帝爲太上皇皇后爲太上皇后太皇太后覽畢曰甚善汝愚出以旨諭帝帝固辭曰恐負不孝名汝愚曰天子當以安社稷定國家爲考今中外憂亂萬一變生置太上皇何地衆扶入素幄披黃袍方却立未坐汝愚率同列再拜帝詣几筵殿哭盡哀須臾立仗訖催百官班帝衰服出就重華殿東廡素幄立內侍扶掖乃坐百官起居訖乃入行禮祭禮詔建泰安宮以奉太上皇太上皇后詔車駕五日一朝泰安宮百官月兩朝壬申建泰安宮庚辰率羣臣拜表於泰安宮八月己亥率羣臣朝泰安宮冬十月庚寅更泰安宮爲壽康宮寧宗慶元元年十一月戊戌加上太上皇曰聖安壽仁太上皇太上皇后曰壽仁太上皇后按宋史寧宗本紀云云慶元四年八月丙戌詔以太上皇聖躬清復率羣臣上壽尋不克行按宋史寧宗本紀云云慶元五年帝始見太上皇上壽禮成中外稱賀備樂行禮一用乾道舊制按宋史寧宗本紀慶元五年八月辛巳率羣臣詣壽康宮上壽始見太上皇成禮而還甲申以過宮上壽禮成中外奉表稱賀丙戌詔減諸路流囚釋杖以下推恩如慶壽故事按樂志臣僚言皇帝因重明聖

節詣壽康宮上壽舉樂仰體聖主事親盡孝之志俯遂臣子尊君親上之忱此國家典禮之大者也檢照典故天申節賜御筵在上壽次日今乃於前一日賜文武百僚宴重明上壽用樂攸始而臣下聽樂乃在君父之先義有未安遂命改用次日凡奉上冊寶於慈福壽康宮者再備樂行禮一用乾道舊制慶元六年壽仁太上皇崩行上諡耐廟之典按宋史寧宗本紀慶元六年春二月己卯率羣臣奉上聖安壽仁太上皇王牒聖政日曆會要於壽康宮八月庚寅以太上皇遘豫赦辛卯太上皇崩甲午遣李寅仲使金告哀十一月丙寅上太行太上皇諡曰憲仁聖哲慈孝皇帝廟號光宗十二月癸卯耐光宗皇帝神主於太廟嘉泰二年八月十七日禮部尚書費士寅等言禮寺以孝宗一朝典禮續纂中興禮書八十卷詔令繳進按宋史寧宗本紀不載按玉海云云明英宗正統十四年邸王即位遙尊帝爲太上皇帝按大政紀正統十四年九月癸未邸王即皇帝位遙尊帝爲太上皇帝詔赦天下十月丁未朔也先以送上皇還京爲名與可汗脫不花入寇紫荆關京師戒嚴乙卯也先長驅至京城西北關外命石亨等軍於城北兵部尚書于謙督其軍都督孫鏗軍於城西刑部侍郎江淵參其軍皆背城而陣謙率先士卒躬擐甲胄出營德勝門以示必死泣以忠義諭三軍感奮勇氣自倍敵兵氣阻喜寧順也先遣使者來請和索大臣出迎駕以通政司參議王復爲禮部侍郎中書

舍人趙榮爲鴻臚寺卿使也先營朝上皇於土城復等見上皇及也先也先謂爾等皆小官可令胡漢王直于謙石亨楊善等來復辭歸上皇論二人曰彼無善意爾等宜急去十二月上皇在迤北北至小黃河蘇武廟老營伯顏帖木兒設帳迎駕尋直聖節也先來上壽進蟒衣貂裘筵宴

代宗景泰元年前上皇在北庭右都御史楊善力說也先迎歸上皇勅不允百官朝見

按大政紀景泰元年正月上皇在迤北帝受朝免賀上皇書至索大臣來迎命公卿集議廷臣因奏請遣官使北進冬末有旨欲能識上皇者行羣臣懼謝罪繳納原奏事遂寢三月戊辰叛臣喜寧懷二心教也先擾邊且不欲送上皇還京上皇深惡之謂不誅寧還京未有期也寧又忌袁彬誘彬出營將殺之上皇急救之乃免及彬與上皇謀遣寧傳命入京令軍士高聲與俱密書繫繫髀間令至宣府與總兵等官計擒之既至城下宣府參將楊俊出與寧領書磐抱領大呼俊縱兵遂縛寧送京師誅之自寧既誅敵失其嚮導稍稍厭兵矣五月辛未也先陰使阿剌知院遣其參政完者脫歡等貢馬請和邊將畱於懷來以聞是時韃靼政事也先專之其兵最多脫脫不花雖爲可汗兵稍少知院阿剌兵又少君臣鼎立外親內忌其合兵南侵利多歸也先而弊則均受及也先欲和恥屈意而陰使阿剌等來言於是禮部會議奏命太常寺卿許彬錦衣衛都指揮同知馬政往審之敵使言欲朝廷差大頭目去阿剌及也先脫脫不花處講和退軍如欲迎上皇就奉還京若不講和我三家盡

起人馬來圍大都彼時無悔且言此非特阿剌意凡我下人皆欲講和如朝廷不信畱我一人爲質奏至召戶部尚書兼翰林學士陳循等於文華殿論之曰也先背逆天道邀畱上皇不共戴天之仇如何可和循等請勅諭阿剌并賞來使令回以緩其誦詐之請仍勅在京各營各邊關整擄軍馬以備從之六月癸酉六科都察院等衙門太子太保吏部尚書王直等言也先遣使請上皇還京蓋上下神祇陰祐其衷使之悔悟伏望皇上許其自新俯就敵情亦遣使臣前去審察誠僞如果至誠特賜俯納奉迎上皇以歸不復事天臨民陛下但當盡崇奉之禮庶天倫厚而天眷益隆上曰卿所言理當然此大位非我所欲蓋天地祖宗及宗室文武羣臣之所爲也自大兄蒙塵朕累遣內外官員五次齎金帛使也先地方迎請不肯聽從若今又使人往恐假以送駕爲名羈畱我使乃率衆來犯京畿愈加蒼生之患朕意如此卿等更加詳之勿遺後患乙酉上皇駕至大同先是也先北入既深又議選戰馬奉上皇南歸是日至大同聲言送駕守將郭登設計於城月門裏具朝服以候潛令人伏城上俟上皇入即下城開板既及門覺之遂擁上皇退去戊子宣府總兵朱謙等遇也先於南門教場擊却之獲馬四匹也先遣使請和帝御文華殿召文武羣臣論曰朝廷因通和壞事欲與也先絕而卿等屢以爲言何也吏部尚書王直對曰上皇在北庭理宜迎復必乞遣使勿使有他日之悔帝不懌曰當時大位是卿等要朕爲之非出朕心于謙對曰大位已定孰敢有議但客使盡禮紓邊患耳帝意始釋曰從

汝從汝言已即退羣臣出太監興安呼羣臣爾等固欲答使孰爲文天祥富弼其人耶王直面發赤大言曰今日羣臣皆在此皆朝廷人孰敢有不行者興安語塞及禮部以三品以上官員具名封進上命與安召都給事李實羅綺問其鄉貫傳旨曰恁累進章朝廷素知忠節上欲遣使也先軍中如何實曰某雖才識不同適朝廷多事之秋安敢辭諒亦不辱君命興安忻然入內命實爲禮部侍郎綺爲大理寺右少卿充正副使以行勅書既下則惟言報禮不及迎復實謂諸內閣白之遇興安被詔曰爾奉黃紙幹他事何與焉實等遂偕使北行七月丙申朔侍郎李實等啓行丙午侍郎李實等至也先所營失八兒禿之地也先曰兵端皆因通事陳友等小人締構以致小事成及我送太上還京遣大臣來議又殺所遣使臣張關保等我回北後遣使者盈不花等亦不生還其故何也實答太師雖名送駕兵行不敢攻關掠野朝廷豈信張關保死於陣者盈不花未至京皆以將士不以爲和而而爲戰故也也先曰喜寧是朝廷內臣我遣來何爲亦見殺實等答曰喜寧蒙上皇厚恩却乃導引太師兵馬殺之宜矣也先曰太上在此我令伯顏帖木兒早晚恭敬未嘗失禮因以酪酒飲食實等丁未也先遣人引侍郎李實等伯顏帖木兒營見太上皇進紵絲四疋粳米魚肉麪鈔燒酒等物十二日實見上皇所居者皮帳布幃席地而寢牛車一輛馬一匹以爲移營之具而已上皇謂實等曰當初朕非以遊畋而出乃爲生靈計不意被畱皆王振輩所致及也先實意送朕回又被喜寧屢次阻住因問聖母